

四庫全書

經部

欽定四庫全書

經部

毛詩集解卷十七

詳校官監察御史_臣孫家賢

通政使司副使_臣莫瞻菴覆勘

總校官降調編修

_臣

倉聖脉

校對官編修

_臣

盧遂

膳錄監生

_臣

劉士煌

欽定四庫全書

毛詩集解卷七

宋 段昌武 撰

鄭

朱曰鄭邑名本在西都畿內咸林之地

鄭曰今京兆鄭縣是其都

也宣王以封其弟友為采地後為幽王司徒而死於

犬戎之難是為桓公其子武公掘突定平王於東都

亦為司徒

曹曰隱三年左傳曰鄭武公莊公為平王卿士則桓武莊三世父子相繼為司徒可

知而莊公不克有終故其美止於武公而已

又得號檜之地乃徙其封而

施舊號於新邑是為新鄭

鄭曰今河南新鄭是也

咸林在今華

州鄭縣新鄭即今鄭州是也其封域山川詳見檜風
緇衣美武公也父子並為周司徒善於其職國人宜之
故美其德以明有國善善之功焉

朱曰周官大司徒掌邦教之官也國人鄭人也黃

曰善善云者見武公父子相繼積善有素

朱曰善善云者武公

有善而天子善之云耳

東萊曰此詩武公入仕于周而周人

美之也若鄭人所作何為三章皆言適子之館乎好
賢如緇衣所謂賢即武公父子

緇衣之宜兮敝予又改為兮適子之館兮還予授子之
粲兮

毛曰緇黑色

孔曰考工記鍾氏三入為纁五入為緇
七入為緇注染纁者三入而成又再染

以黑則為緇又復再
染以黑則成緇矣

緇衣卿士聽朝之正服也

曹曰
玉藻

云天子龍卷以祭玄冕而朝日于東門之外聽朔于
南門之外皮弁以視朝諸侯玄冕以祭禋冕以朝皮
弁以聽朔于太廟朝服以日視朝于內朝是天子常
朝之服用皮弁諸侯常朝之服用羔裘玄冠也皮弁

以白鹿皮為冠以白狐皮為裘以素錦為衣而裼之
其上加朝服十五升白布為之衣冠同色故也羔裘
以緇布為冠以黑羊皮為裘以緇布為衣而裼之其
上加朝服十五升緇布為之其裳皆素凡朝服君與
卿大夫同今天子之卿而服緇衣者蓋既朝于天子
而退適治事之館則釋皮弁而服緇布衣以聽其所
朝之政也
程曰宜言其稱 毛曰改更也適之館舍也

蘇曰諸侯入為卿士皆授館于王室

孔曰猶今朝堂諸官治事

之處也考工記說王宮外
有九室九卿於是朝焉

毛曰粢殮

音也

王曰粢孫也

精鑿者 朱曰漢有白粢之刑謂坐擇米使正白也
是也 曹曰白粢之刑謂坐擇米使正白也

范曰

桓公武公之為司徒上得於君下得於民其君子好

之愈久而愈不厭 朱曰言子之服緇衣也甚宜其

或敝也則予願為子更為之且將適子之館

范曰親之也

既還而又授子以粢言好之無已也

橫渠曰愛之無數既欲新其衣

服又欲饋之飲食

緇衣之好兮敝予又改造兮適子之館兮還予授子之粢兮

毛曰好猶宜也 鄭曰造為也

緇衣之蓆

音席

兮敝予又改作兮適子之館兮還予授子

之聚兮

毛曰蓆大也

程曰蓆有舒安之義服稱其德則安舒

緇衣三章章四句

將

七羊反

仲子刺莊公也不勝

音升

其母以害其弟弟叔失

道而公弗制祭

側界反

仲諫而公弗聽小不忍以致大亂

焉

蘇曰莊公欲必致叔于死叔之未襲鄭也有罪而未至於死是以諫而不聽諫而不聽非愛之也未得所

以殺之也毛氏不知其說其叙此詩以為不勝其母
以害其弟弟叔失道而公弗禁祭仲諫而公弗聽小
不忍以致大亂莊公其不忍者哉

左傳鄭武公娶于
申曰武姜生莊公

及共叔段莊公寤生驚姜氏遂惡之愛共叔段欲立
之亟請于武公公不許及莊公即位為之請制公曰
制巖邑也虢叔死焉他邑唯命請京使居之謂之京
城大叔祭仲曰都城過百雉國之害也今京不度非
制也君將不堪公曰姜氏欲之焉辟害對曰不如早
為之所公曰多行不義必自斃子姑待之既而大叔
命西鄙北鄙貳于己公子呂請除之公曰無庸將自
及大叔又收貳以為己邑至于廩延子封曰可矣公
曰不義不暱厚將崩大叔將襲鄭公命子封帥車二
百乘以伐京京叛大叔段段入于鄆公伐諸鄆大叔

出奔
共

將仲子兮無踰我里無折我樹杞

起音

豈敢愛之畏我父

母仲可懷也父母之言亦可畏也

毛曰將請也仲子祭仲也踰越里居也二十五家為

里杞木之名也

孔曰杞柳屬也生水傍葉麓而白色理微赤

折言傷害也

東萊曰五家為鄰五鄰為里皆有地域溝樹之故

曰無踰我里無折我樹杞 李曰無踰我里言無與

我家事也 鄭曰無折我樹杞喻言無害我兄弟也

朱曰雖知汝之言誠可懷思而父母之言亦豈可不畏哉

將仲子兮無踰我牆無折我樹桑豈敢愛之畏我諸兄仲可懷也諸兄之言亦可畏也

呂曰孟子曰樹牆下以桑則桑在牆下也 毛曰諸兄公族

將仲子兮無踰我園無折我樹檀豈敢愛之畏人之多言仲可懷也人之多言亦可畏也

毛曰園所以樹木檀彊韌之木

孔曰園者園之舊故其內可以種木也檀

材可以為車陸璣疏云檀木皮正青滑澤

東萊曰將仲子兮無踰我里

無折我樹杞辭雖拒仲而意則與之如侍人僚祖告

昭公以去季氏之謀公執戈以懼之之類豈敢愛之

畏我父母則於段非有所不忍也仲可懷也父母之

言亦可畏也則拳拳於叔而不得已於姜氏可見矣

畏我諸兄畏人之多言特迫於宗族國人之議論非

愛段也具文見意而莊公之情得矣

將仲子三章章八句

叔于田刺莊公也叔處于京繕

市戰反

甲治兵以出于田

國人說

音悅

而歸之

叔于田巷無居人豈無居人不如叔也洵

蘇遵反

美且仁

毛曰叔大叔段也田取禽也巷里塗也鄭曰洵信

也歐陽曰國人愛之以為叔出于田則所居之巷

若無人矣非實無人雖有而不如叔之美且仁也

呂曰國人稱之如是者亦不義而得衆也以得衆心

為仁以飲酒為好以善服馬為武

楊曰叔段不義而為衆所說者亦以

衰俗好惡毀譽不當其實故也

叔子狩

手又反

巷無飲酒豈無飲酒不如叔也洵美且好

毛曰冬獵曰狩

歐陽曰叔出則巷無可飲酒之人

矣

叔適野巷無服馬豈無服馬不如叔也洵美且武

鄭曰適之也郊外曰野服馬猶乘馬也 歐陽曰叔

出則巷無能服馬之人矣

叔于田三章章五句

大叔于田刺莊公也。叔多才而好勇不義而得衆也。

蘇曰二詩皆曰叔于田故此加大以別之。非謂段為大叔也。然不知者又加大于首章失之矣。范曰莊

公之于段稔其惡而欲斃之也。故春秋書克段于鄆以罪鄭伯。詩人言叔多材好勇而得衆心以深咎莊公。夫段之惡易知而莊公之罪難見。故春秋書鄭伯而詩人刺其君皆本其所起以罪之所以為世戒也。

鄭曰段以國君介弟之親京城大叔之貴而所好者馳騁弋獵也所矜者袒裼暴虎也所賢者射御足力也出而人思之者飲酒服馬之儔也氣習至此而又恃其君母之愛玩于莊公之惟其所欲而不誰何也欲不為叛得乎是則置段于必亂之地者莊公也

大叔于田乘乘

下繩證反

馬執轡如組音祖兩驂如舞叔在藪

素口反

火烈具舉

音袒

裼

素歷反

暴虎馼于公所將七羊反叔

無狃

女九反

戒其傷女

孔曰織組者總紕於此成文於彼御者執轡于手馬騁于道如織組之為毛曰叔之從公田也驂之與

服諧和中節

董曰五御之法有舞交衢者蓋詩所謂如舞者也兩服如驂與服諧和中節然

馬在車中為服在車外為驂服制於衡不得如舞其言舞者驂也

藪澤禽之府也

朱曰烈熾盛貌

毛曰具俱也禴禴肉袒也

孔曰李巡曰禴

禴脫衣見體曰肉袒

暴虎空手以搏之狃習也

陳曰火烈具

舉疏以為宵田不知周禮中春蒐田用火弊獻禽以

祭社爾雅火田曰狩田未嘗不用火也 朱曰國人

謂之曰請叔無習此事恐其或傷女也言其得衆如

此

叔于田乘乘黃兩服上褭兩騂鴈行

反戶郎

叔在數火烈

具揚叔善射忌

記音

又良御忌抑磬

反苦定

控反口貢

忌抑縱

送忌

毛曰乘黃四馬皆黃

鄭曰兩服中央夾轅者

孔曰小戎

云騂騂是中騂騂是騂騂與中對文則騂
在外外者為騂則知內者為服故言兩服

褭駕也上

駕者言為衆馬之最良也

朱曰猶史所謂上駟也

鴈行者言與

中服相次序

孔曰鴈行者兩騂與服馬其首差退

良亦善也

毛曰揚

光也忌辭也

朱曰抑發語之辭

毛曰騂馬曰磬

止馬曰控發矢曰縱從禽曰送

叔于田乘乘鵠

音保

兩服齊首兩驂如手叔在藪火烈具

臯叔馬慢忌叔發罕忌抑釋棚

音冰

忌抑鬯

勅亮反弓忌

毛曰驪白雜毛曰鵠

郭璞曰今所謂烏驄馬

齊首馬首齊也

鄭曰如手如人左右手之相佐助也

朱曰兩服並首在前而兩驂在

旁稍出其後如人之左右手也

毛曰臯盛也慢遲罕希也棚所以

覆矢

孔曰棚左傳作水箭蒲蓋也

鬯弓弣

他刀反 孔曰鬯者盛弓之器鬯謂弛弓

而納之弣 朱曰鬯弓業也

鄭曰田事且畢則其馬行遲發矢

希射者蓋矢弋弓言田事畢

朱曰言其田事將畢而從容整暇如此

東萊曰鷩鳥將擊必匿其形二詩所載段之輕淺如此宜其為莊公之所易也詩人乃若憂其不能制者豈其未得莊公之情也哉憂之云者兄弟之心也欲止其惡者涕泣而道之者也易之云者仇敵之心也欲養其惡者也談笑而道之者也詩人直以兄弟之心為莊公憂耳豈知有他哉

大叔于田三章章十句

清人刺文公也高克好

呼報反

利而不顧其君文公惡

鳥路

反而欲遠

于萬反

之不能使高克將

子匠反

兵而禦

魚呂反

狄

于竟陳其師旅翺

五羔反

翔河上久而不召衆散而歸高

克奔陳公子素惡高克進之不以禮文公退之不以道

危國亡師之本故作是詩也

孔曰文公捷厲公子

春秋閏公二年冬十二月狄入衛鄭棄其師衛在河北鄭在河

南恐其渡河侵鄭故使高克將兵于河上禦之公子素作詩以刺之鄭曰好利不顧其君注心于利也

胡曰人君擅一國之名寵殺生予奪惟我所制爾

使克不臣之罪已著按而誅之可也情狀未明黜而遠之可也愛惜其才以禮馭之可也烏有假以兵權委諸境上坐視其失伍離散而莫之恤乎

清人在彭駟介旁旁

補彭反

二矛

莫侯反

重

直龍反

英河上乎

翱翔

鄭曰清者高克所帥衆之邑

毛曰彭衛之河上鄭

之郊也

鄭曰駟四馬也

毛曰介甲也

孔曰四

馬被甲馳驅旁旁然不息

鄭曰二矛酋矛夷矛也

孔曰酋矛常有四尺夷矛三尋長短不同一矛而有二備折壞

毛曰重英矛有英

飾也

孔曰魯頌說矛之飾謂之朱英則以朱染為英飾蓋絲纏而朱染之其飾重累故謂之重英

王曰英之以毛羽

朱曰翱翔無事之貌

鄭曰夫擁大衆

於外而無所事不為亂則潰散爾

清人在消駟介麋麋

表驕反

二矛重喬河上乎逍遙

毛曰消河上也也麋麋武貌重喬累荷也

釋文曰荷謂刺矛頭

受刃處為荷葉相重累也沈胡可反謂兩矛之節相負荷也

清人在軸

音迓

駟介陶陶

徒報反

左旋右抽

勅由反

中軍作好

及呼報

毛曰軸河上地也

孔曰彭消軸皆河上之地久不得歸師有遷移三地亦應不甚相遠

董曰陶陶樂而自適也 鄭曰左謂御者右車右

也中軍謂將也高克久不得歸日使其御者習旋其

車車右抽必自居中央為軍之容好而已兵車之法

將居鼓下故御者在左

孔曰此謂將之所乘車若士卒兵車則左人持弓右人持

矛中
人御

說文曰詩曰左旋右搖土刀搖者拔兵及以

習擊刺 東萊曰師久不歸無所聊賴姑遊戲以自

樂也投石超距勝之兆也左旋右抽潰之兆也不言已潰而言將潰其辭深其情危矣

清人三章章四句

羔裘刺朝

直遙反

也言古之君子以風

福鳳反

其朝焉

曹曰羔裘詩凡三篇檜羔裘大夫以道去其君也則專刺其君唐羔裘刺時也則專刺其臣鄭羔裘刺朝也則并刺其君臣何以知其然耶玉藻曰君衣狐白裘錦衣以裼之君子狐青裘豹褰玄綃衣以裼之麕

裘青豸褻絞衣以裼之羔裘豹飾緇衣以裼之說者
曰飾猶褻也君子謂大夫也君裘用純物臣宜下之
故其褻飾之以異皮檜羔裘之一章曰羔裘逍遙狐
裘以朝二章曰羔裘翱翔狐裘在堂三章曰羔裘如
膏日出有曜所謂君衣狐白裘諸侯之命服也朝於
天子則服之而檜君服之於私朝故知專刺其君也
唐羔裘一章言羔裘豹褻則士大夫之服耳故知專
刺其臣也若夫鄭羔裘一章曰羔裘如濡洵直且侯

是刺其君也二章曰羔裘豹飾孔武有力是刺其臣也故知并刺其君臣也

羔裘如濡

音儒

洵直且侯彼其

音記

之子舍

音敵

命不渝

似朱反

朱曰羔裘大夫服也

毛氏

羔羊傳

曰大夫羔裘

毛

曰如濡潤澤

也歐陽曰洵信也

朱曰直順也

韓詩侯美也

朱曰其語助辭鄭曰之子是子也舍猶處也

毛曰渝變也

朱曰言此羔裘潤澤毛順而美彼服

此者當生死之際又能以身居其所受之理而不可

奪也

鄭曰是子處命不變謂守死善道見危授命之等 蘇曰言德稱其服今不然也

羔裘豹飾孔武有力彼其之子邦之司直

毛曰豹飾緣

去聲

以豹皮也

孔曰唐風云羔裘豹祛羔裘豹裘禮君用純物臣下

之故裘飾異皮

孔甚也

朱曰豹甚武而有力故服其所飾

之裘者如此

毛曰司主也

曹曰當文公之時君

失其德朝無直臣拒叔詹之諫而結怨于霸主因天
王之使而召兵于翟人其君臣之間直道不行可知
矣故作詩者俱以直道而責之

羔裘晏

於諫反

兮三英粲

采旦反

兮彼其之子邦之彥兮

毛曰晏鮮盛貌

曹曰說文曰天清為晏羔裘晏兮言其服之而晏溫也

朱曰

英裘飾也粲光明也

毛曰彥士之美稱

曹曰羔羊傳曰古者

素絲以英裘蓋以素絲織為組紉以英飾裘縫也三者其數也程曰三英者若素絲五紞之類蓋衣服制

度之節然亦未詳其制也

羔裘三章章四句

遵大路思君子也莊公失道君子去之國人思望焉

遵大路兮摻

所覽反

執子之祛兮無我惡

烏路反

兮不寔

市坎

反故也

毛曰遵循路道摻摻

音覽

袪

起居反

袂

面世反

也寔速也

孔曰

喪服云袂屬幅袪尺二寸則袂是袪之本袪為袂之末俱是衣袖

朱曰君子去其

國人思而望之於其循大路而去也攬持其袪以留之曰子無惡我而不留故舊不可以遽絕也

遵大路兮摻執子之手兮無我覬

市由反

兮不寔好

呼報反

也

毛曰覬棄也

孔曰覬與醜古今字醜惡可棄之物

蘇曰好舊好也

東萊曰武公之朝蓋多君子矣至於莊公尚權謀專
武力氣象一變左右前後無非祭仲高渠彌祝聃之
徒也君子安得不去之乎不寔故也不寔好也詩人
豈徒勉君子遲遲其行也感於事變而懷其舊者深
矣

遵大路二章章四句

女曰雞鳴刺不說

音悅

德也陳古義以刺今不說德而好

呼報反色也

女曰雞鳴士曰昧旦子興視夜明星有爛旦力旦反將翱將

翔弋

羊職反

鳧

音符

與鴈

東萊曰昧晦也旦明也昧旦天欲旦晦明未辨之時也列子曰將旦昧爽之交日夕昏明之際朱曰明

星啟明之星也先日而出者

鄭曰弋繳

音灼

射也

孔曰

司弓矢矰矢第矢用諸弋射注云結繳于矢謂之矰第矢象焉然則繳射謂以繩繫矢而射也說文云繳

謂以生絲為繩也

朱曰鳧水鳥如鴨青色背上有文鄭

曰夫婦相警覺以風興朱曰女曰雞鳴以警其夫

而士曰昧旦言不止于雞鳴矣婦又語其夫曰若是

則子可以起而視夜之如何意者星已出而爛然

曰毛

言小星已不見也

曹曰日將出矣

如是則可以翱翔而往弋取鳬鴈

而歸矣其相與警戒之言如此則不流于宴昵之私

可知也 歐陽曰古賢夫婦相警勵以勤生之語

弋言加之與子宜之宜言飲酒與子偕老琴瑟在御莫

不靜好

蘇曰加中也史記曰以弱弓微繳加諸鳬鴈之上

朱曰宜和其所宜也

內則曰牛宜稌羊宜黍豕宜稷犬宜梁鴈宜麥魚宜苽

朱曰射者男子之事而中饋者婦人之職故謂其夫

既得鳧鴈以歸則我當與子和其滋味之所宜以之

飲酒相樂期於偕老而其琴瑟之在御者

北曰琴瑟之樂在于

侍御亦莫不安靜而和好其和樂而不淫可見矣

知子之來之雜佩以贈之知子之順之雜佩以問之知

子之好

呼報反

之雜佩以報之

朱曰來之致其來者如所謂修文德以來之

蘇曰招來而與

之友者也

毛曰雜佩者珩璜琚瑀衡牙之類

朱曰此左右佩玉也

上橫曰珩下繫三組貫以瑱珠中組之半貫一大珠曰瑀末懸一玉兩端皆銳曰衡牙兩旁組半各懸一玉長博而方曰琚其末各懸一玉如半璧而內向曰璜又以兩組貫珠上繫珩兩端下交貫于瑀而下繫于兩璜行則衡牙觸璜而有聲也
呂曰雜佩非獨玉也
鵠燧歲管怱怱凡可佩者皆是也
曹曰佩上
有慈珩下有雙璜衡牙瑱珠以納其間此其備者也
謂之雜佩則不必備也
若詩所謂佩玖佩玉瓊琚皆得以為佩矣
鄭曰贈送也順謂與已和順
朱曰順愛
毛曰

問遺也

孔曰曲禮云凡以苞苴簞筭問人者左傳衛侯使人以弓問于貢皆遺人以物謂之問

朱曰婦又語其夫曰我苟知子之所致而來及所

親愛則將解此雜佩以送遺報答之蓋不惟治其門
內之職又欲其君子親賢友善結其驩心而無所愛
於佩飾之玩也

張曰婦人之好德甚于男子也

南軒曰讀女曰雞

鳴之末章以婦人之見而及於其夫子問學成德之
事其道行於家人可知矣

女曰雞鳴三章章六句

有女同車刺忽也鄭人刺忽之不昏于齊太子忽嘗有
功于齊齊侯請妻

七計反

之齊女賢而不取

促句反

卒以無

大國之助至於見逐故國人刺之

鄭曰忽鄭莊公世子祭仲逐之而立突

孔曰左傳云公之未昏于

齊也齊侯欲以文姜妻鄭太子忽及其敗戎師也齊侯又請妻之如左傳文齊侯前欲以文姜妻忽後復欲以他女妻忽此言齊女賢而不娶謂復請妻者

張曰忽之不昏于齊未

為失也而詩人追恨其失大國之助者蓋見忽之弱為甚追念其資於大國或有以自立此國人之情也蓋忽者先君之世子其立也正故其始也國人見其逐而憐其無助至於其再入也不能懲創而用賢於

是至有目之為孩童者而猶憂之不能餐不能息也
又閱其無忠臣良士而至此極也夫忽蓋不足道而
人之情猶不欲遽絕之者以其立之正故耳

有女同車顏如舜華

如字

將翱將翔佩玉瓊琚彼美孟姜

洵

恤句反

美且都

毛曰親迎

魚敬反

同車也

鄭曰女始乘車琚御輪三周御者代琚

舜木槁

音謹也

孔曰其華朝生暮落

佩有瓊琚所以納間

孔曰納衆玉與珩上下之間

孟姜齊女

鄭曰洵信也

毛曰都閑也

孔曰都者美好閑習

之言司馬相如上
林賦云妖冶閼都

王曰古之人於玉比德焉於瓊

琚言德之容於將將言德之音言所宜各以其類也

有女同行顏如舜英將翔將翔佩玉將將

七羊反

彼美孟

姜德音不忘

毛曰英猶華也 朱曰將將佩玉聲也 李曰言其

德音之不可忘也

劉曰謂齊侯請妻之音
鄭人懷之不能忘也

東萊曰

不借助於大國而自求多福忽非奮然誠有是志也

蓋其為人淺狹而多所拘攣暗滯而動皆疑畏浮易

而不知審量子子然以文義自善而國勢人情與其
身之安危皆懵然莫之察也適足以取亡而已矣使
忽誠有是志而深求其實則質之弱固可強而所以
持國者固無待於外助也惟其為善有名而無情卒
見嗤於祭仲而為詩人所閔此功利之說所以多勝
而信道者所以益寡也

有女同車二章章六句

山有扶蘇刺忽也所美非美然

朱曰所美非美所謂賢者佞智者愚也

山有扶蘇隰有荷華不見子都乃見狂且

子餘反

毛曰興也扶蘇扶胥小木也荷華扶渠也其華菡萏

釋文曰未聞曰菡萏已發曰芙蓉

子都世之美好者也狂狂人也且

語辭東萊曰山宜有扶蘇者也隰宜有荷華者也

朝宜有賢俊者也今觀昭公之朝者不見子都乃見狂且焉則昭公所美非美可知矣

山有橋松隰有游龍不見子充乃見狡童

蘇曰上竦無枝曰橋

釋文曰橋本亦作喬

鄭曰游猶放縱也

毛曰龍紅草也

孔曰龍草生于下隰而枝葉放縱陸璣云一名馬蓼葉大而赤白色

生水澤中高丈餘張曰游龍是荻草也其枝幹樛屈著土處使生根如龍也

董曰子充

不見於書疑亦以美著也

孔曰狡童非有所指斥

定名也下篇刺昭公之身此篇刺昭公之所美 范

曰山不惟有小木而又有大材隰不惟有華而又有

草然則一國之大賢材無不有人君所美宜得其美

者也

山有扶蘇二章章四句

籥

他洛反

兮刺忽也君弱臣強不倡

昌亮反

而和也

胡卧反

籥兮籥兮風其吹女叔兮伯兮倡予和女

毛曰籥槁

古老反

也

鄭曰槁謂木葉也十月隕籥傳云籥落也

孔曰七月云則落葉謂

之籥

蘇曰木槁則其籥懼風風至而隕矣

陳曰風

其吹女者吹籥槁也

鄭曰叔伯羣臣相謂也羣臣

自以強弱相服女倡矣則我將和之

籥兮籥兮風其漂

匹遙反

女叔兮伯兮倡予要

於遙反女

毛曰漂猶吹也 東萊曰昭公微弱孤危其羣臣相
謂國勢如槁葉之待衝風難將及矣叔乎伯乎盍各
自謀爾倡我則我其和汝要汝矣要謂要結也蓋君
不能倡故其下自相倡和也

穉兮二章章四句

狡童刺忽也不能與賢人圖事權臣擅

善戰反

命也

鄭曰權臣祭仲也 程曰春秋書忽止曰鄭忽蓋不
以忽為君故也不以為君故詩人目之為狡童問碩

鼠如何曰魏之重歛至使人欲適彼樂國則人心之
離亦可見矣人心合而從之則為君離則為獨夫
彼狡童兮不與我言兮維子之故使我不能餐兮

范曰昭公有狂狡之志而無成人之實孤危將亡君
子憂之至於不能餐息愛君之至也夫不與我言不
與我食則棄賢可知也然賢人豈以君之不知而浩
然以忘之哉亦盡其忠愛以憂之而已

彼狡童兮不與我食兮維子之故使我不能息兮

朱曰不與我食猶不與我言也 毛曰憂不能息也
東萊曰賢者於忽懇懇如此而忽不之察焉上下
可謂不交矣疎其可親親其可疎斯其所以亡也

狡童二章章四句

褰起連反

思見正也狂童恣

資利反

行下孟反

國人思大國

之正已也

鄭曰狂童恣行謂突與忽爭國更出更入而無大國
正之

子惠思我褰裳涉溱

側中反

子不我思豈無他人狂童之

狂也且

子餘反

毛曰惠愛也

說文溱作漣云漣水出鄭

歐陽曰

彼大國者惠然思念我鄭國之亂欲來為我討正之者非道遠而難至但褰其裳涉溱水而來則至矣子不我思豈無他人者但言諸侯衆矣爾不我思則當有他國思我爾朱曰所以然者狂童之狂已甚而不可緩也且助語辭也

子惠思我褰裳涉洧

于軌反

子不我思豈無他士狂童之

狂也且

前漢地理志曰潁川陽城山洧水所出東南至長平

入潁 鄭曰他士猶他人也

褰裳二章章五句

丰

芳凶反

刺亂也昏姻之道缺陽倡而陰不和

胡卧反

男行

而女不隨

子之丰兮俟我乎巷兮悔予不送兮

毛曰丰豐滿也巷門外也 鄭曰子謂親迎者有親
迎我者面貌丰丰然豐滿出門而待我於巷中悔乎
我不送是子而去也 孔曰男親迎而女不從後乃
追悔此陳其辭也

子之昌兮俟我乎堂兮悔予不將兮

毛曰昌盛壯貌 孔曰王肅云升于堂以俟士昏禮
主人揖賓入于廟賓升堂北面奠鴈再拜稽首降出
婦從是則士禮受女于廟堂庶人雖無廟亦當受女

於寢堂程曰將迎也言男俟我於堂非不有禮但女不將迎也

衣於既反錦聚反聚苦迥反衣裳錦聚反裳叔反兮伯兮駕予與行

鄭曰聚音丹也蓋以禪穀反為之中衣裳用錦而

上加禪穀反焉為其文之大著也庶人之妻嫁服也士

妻紂側基反衣纁許云反袖如鹽反叔兮伯兮駕予與行言

此者以前之悔今則叔也伯也來迎已者從之志又

易也朱曰婦人既悔其始之不送而失此人也則曰叔兮伯兮豈無有駕車而迎我以行者乎

裳錦褰裳衣錦褰衣叔兮伯兮駕予與歸

孔曰婦人之服不殊裳而經衣裳異文者以詩須韻句故別言之耳其實婦人之服衣裳連俱用錦皆有褰故互言之

丰四章二章章三句二章章四句

東門之墠

音善

刺亂也男女有不待禮而奔者也

東門之墠茹

音如

蘆

力於反

在阪

音反

其室則邇其人甚遠

毛曰東門城東門也墠除地町町

吐鼎反

者茹蘆茅蒐

所留也

孔曰除地去草故云町町茅蒐一名蒿可以染絳

爾雅曰陂

彼宜反

者曰阪

孔曰陂陀不平而可種者名阪

朱曰門之外有墀墀之外

有阪阪之上有草誌其所欲奔之處也其室則邇其人甚遠者思之切欲奔而未得閒之辭

東門之栗有踐家室豈不爾思子不我即

毛曰栗行道上栗

孔曰行謂道也左傳云趙武魏絳斬行栗杜預云行栗表道樹

踐

行列貌即就也

朱曰門之旁有栗栗之下有成行列之室家亦誌其處也豈不爾思子不我即俟其就

列之室家亦誌其處也豈不爾思子不我即俟其就

已而俱往耳

東門之墀二章章四句

風雨思君子也亂世則思君子不改其度焉

風雨淒淒

七西反

雞鳴喈喈

音皆

既見君子云胡不夷

毛曰興也

陳曰淒淒寒涼之氣

毛曰風且雨淒

淒然雞猶守時而鳴喈喈然

朱曰我得見此人則

我心之所思豈不坦然而平哉

風雨瀟瀟雞鳴膠膠

音交

既見君子云胡不瘳

教留反

朱曰瀟瀟風雨聲

毛曰膠膠猶喑喑也瘳愈也言

積思自此而愈也

李曰言如病之愈也

風雨如晦雞鳴不已既見君子云胡不喜

毛曰晦昏也

鄭曰已止也

范曰如晦又甚於瀟

瀟而雞鳴不已此所以為不改其度

風雨三章章四句

子衿

音金

刺學校廢也亂世則學校不修焉

程曰治世則庠序之教行有法以率之不率教者有

至於移屏不齒又禮義廉讓之風所漸陶父兄朋友
之義所勸督故人莫不强於進學及夫亂世上不復
主其教則無以率之風俗雜亂浮偷父兄所教者趨
利朋友所習者從時故人莫不肆情廢惰為自棄之
人雖有賢者欲強之於學亦豈能也故悲傷之而已
王曰世之亂生于上之人不學莫知反本以救之顧
顛沛于末流以舒目前之患而以學為不切於世務
此學校所以廢也 范曰無患
臣民士大亂五世學廢之由也

青青子衿悠悠我心縱我不往子寧不嗣音

毛曰青衿青領也學子之所服

鄭曰禮父母在衣純以青

鄭曰

嗣續也

程曰世亂學校不修學者棄業賢者念之

而悲傷故曰悠悠我心縱我不可以反求於汝謂往
教強聒也子寧不思其所學而繼其音問遽爾棄絕
於善道乎

青青子佩悠悠我思縱我不往子寧不來

毛曰佩佩玉也士佩璫

如充友

珉

亡巾反

而青組綬

孔曰玉藻

士佩璫玟而緼組綬此云青組綬者蓋毛讀禮記作青字其本與鄭異也

不來者言其不

一來也

佻

他蒸反

兮達

他未反

今在城闕兮一日不見如三月兮

毛曰佻達往來相見貌

程曰佻輕躍達放恣

鄭曰人廢學業

但好登城闕以侯望為樂

孔曰釋宮云觀謂之闕孫炎曰宮門雙闕此言在城

闕兮謂城之上別有高闕非宮闕也

程曰賢者念之一日不見如三

月之久也蓋士之於學不可一日忘廢一日忘之則其志荒矣放僻邪侈之心勝之矣

子衿三章章四句

揚之水閔無臣也君子閔忽之無忠臣良士終以死亡而作是詩也

揚之水不流束楚終鮮息淺反兄弟維予與女無信人之

言人實廷

居望反女

毛曰揚激揚也激揚之水可謂不能流漂束楚乎鄭

激揚之水喻忽政教亂促不流束楚言其政不行於臣下

鄭曰作此詩者同姓

臣也鮮寡也孔曰兄弟爭國親戚相疑惟我與汝

二人而已毛曰廷誑也范曰揚之水不流束楚

弱也終鮮兄弟惟予與女無親也無信人之言人實
迂女小人衆也

揚之水不流束薪終鮮兄弟維予二人無信人之言人
實不信

朱曰兄弟既不相容所與親者二人而已然亦不能
自保於讒間此忽之所以亡也 東萊曰無信人之
言非教之以不信人言也忽既微弱強公子復多其
臣大都懷二心而外市僅有一二人實心向之者乃

暗於情偽不知所倚故提耳而告之也

揚之水二章章六句

出其東門閔亂也公子五爭兵革不息男女相棄民人思保其室家焉

朱曰五爭首尾二十年

孔曰魯桓十一年祭仲立突而忽奔衛是一爭也十五年

突使祭仲壻雍糾殺祭仲仲知之殺雍糾突出奔蔡忽復歸于鄭是二爭也十七年高渠彌弑忽而立公

子疊是三爭也十八年齊人殺子疊高渠彌祭仲逆子儀于陳而立之是四爭也魯莊公十四年傅瑕殺

子儀而納突是五爭也魯曰氓以華落色衰而相棄背谷風以淫于新昏而棄舊室出其東門則不然

夫婦之情未嘗衰薄特以兵革不息室家不保視其去而不能留此所以為閨亂也

出其東門有女如雲雖則如雲匪我思存古老反綈衣綦

巨基反巾聊樂我負音洛云

毛曰如雲衆多也綈衣白色孔曰綈細繒也綦巾蒼艾色

孔曰云負古今字助語辭也 范曰今女之委棄者

雖多視之而不得救者非我思慮之所能及也綈衣

綦巾聊樂我負思保其室家以相樂也孔曰彼衆女之中有著綈素之

衣綦色之巾者是我之妻今亦絕者且得少留以喜樂我云

出其閨

音因

閨

音都

有女如茶音徒雖則如茶匪我思且

子徐反

縞衣茹蘆聊可與娛

毛曰閨曲城也閨城臺也

陳曰門之外有副城曰曲以障門者謂之閨

茶

英茶也

鄭曰茶茅秀物之輕者飛行無常孔曰釋草有茶苦菜又有茶委葉柳風誰謂茶苦即

苦菜也周頌以薺茶麥即委葉也鄭於地官掌茶注及既夕注與此薺皆云茶茅秀然則此言如茶乃是

茅草秀出之穗非彼二種茶草也言茶英茶者英是白貌吳王夫差黃池之會言白常白旗素甲白羽之

增望之如茶韋昭云茶茹蘆茅蒐之染女服也

鄭曰茅蒐

染巾也朱曰茅蒐可以染絳

出其東門二章章六句

野有蔓

音萬

草思遇時也君之澤不下流民窮於兵革男

女失時思不期而會焉

東萊曰君之澤不下流蓋講師見零露之語從而附

益之

野有蔓草零露漙

徒端反

今有美一人清揚婉

於阮反

今邈

戶

懈

迨

胡豆反

相遇適我願兮

毛曰興也野四郊之外蔓延漙漙然盛多也清揚眉

目之間婉然美也邂逅不期而會 朱曰野有蔓草

則零露漙矣有美一人則清揚婉矣邂逅相遇則得

以適我願矣

歐陽曰男女昏娶失時邂逅相遇於草野之間

野有蔓草零露漙漙

如羊反

有美一人婉如清揚邂逅相

遇與子偕臧

毛曰漙漙盛貌臧善也

朱曰與子偕臧猶言各得

其所欲也

野有蔓草二章章六句

漆

側中反

消

于軌反

刺亂也兵革不息男女相棄淫風大行

莫之能救焉

范曰樂之淫者曰鄭衛如有王者必放鄭聲然則亂

關雎者莫如鄭衛故鄭詩終於亂之極者焉

前漢地理志云

鄭地右維左沛食漆消焉土狹而險山居谷汲男女亟聚會故其俗淫王曰差惡之心莫不有之而其為

至於如此者豈其人性之固然哉兵革不息男女相棄而無所於歸也是以至於如此然則民之失性也

為可哀君之失道也為可刺

漆與消方渙渙兮士與女方秉蘭

古顏反

兮女曰觀乎士

曰既且

反子徐

且往觀乎消之外洵

反息旬

訐

反沉于

且樂

洛音

維士與女伊其相謔贈之以勺

反時灼

藥

毛曰溱洧鄭兩水名渙渙春水盛也

鄭曰仲春之時水已釋水則渙

渙然也

韓詩注曰鄭國之俗三月上巳之辰往溱洧兩水

之上招魂續魄秉蘭草以祓除不祥

蘭蘭也

陸璣疏云其莖葉似樂草澤蘭廣而長節節中赤高

四五尺漢諸池苑及許昌宮中皆種之可著粉中藏衣著書中辟白魚

鄭曰既已也

洵信也

毛曰訐大也勺藥香草

陸璣疏曰今藥草勺藥無香氣未審

今何草

釋文曰勺藥韓詩云離草也言相離別贈此草也黃曰古今注謂勺藥可離唐本草可離江

離也東萊曰蘭即今之蘭勺藥即今之勺藥陸璣必指為他物蓋泥毛公香草之言必欲求香於柯葉置其花而不論爾
陳曰勺藥者漆洧之地富有之詩人賦物有所因也
男女相棄各無

匹偶感春氣並出託采芬芳之草而為淫佚之行

鄭曰女曰觀乎欲與士觀於寬閒之處士曰已觀矣未從之也女情急故使男往觀於洧之外言其土地信寬大可樂也於是男則往也
朱曰士與女既相與戲謔又以勺藥為贈所以結恩情之厚也

漆與洧洧音留瀏其清矣士與女殷其盈矣女曰觀乎士曰

既且且往觀乎洧之外洵訏且樂維士與女伊其將謔
贈之以勺藥

毛曰瀏深貌殷衆也 鄭曰將大也

溱洧二章章十二句

鄭國二十一篇五十三章二百八十三句

毛詩集解卷七

欽定四庫全書

毛詩集解卷八

宋 段昌武 撰

齊

朱曰齊國名本少昊時與鳩氏所居之地在禹貢青

州岱山之陰濰淄之野周武王以封太公望

漢地理志云少

昊之世有與鳩氏虞夏時有季荊湯時有逢公柏陵
商未有薄姑氏皆為諸侯國于此地至周成王時與
四國共作亂成王滅之以封師尚父是為太公師古
曰武王封太公於齊初未得與鳩之地成王以益之

也東至于海西至于河南至于穆陵北至于無棣太

公姜姓本四岳之後

孔曰齊世家云其先祖世為四岳佐禹有功封於呂或封於申

姓姜氏望其後裔也武王平商而玉天下封師尚父於齊營丘

孔曰漢地理志云齊郡臨淄縣師尚父

所封也臣瓚按臨淄即營丘也今齊之城內有丘即營丘淄水臨其南及東以丘臨水謂之臨淄

既

封於齊通工商之業便魚鹽之利民多歸之遂為大

國

曹曰及管蔡作亂成王乃使召公命太公曰東至于海西至于河南至于穆陵北至于無棣五侯九

伯汝實征之齊

由此得專征伐今青齊濰淄等州是其地也

鄭曰後五世衰

公政衰荒淫怠慢紀侯譖之於周懿王使烹馬齊之

變風始作曹曰烹哀公而立其弟靜是為胡公胡

公徙都
薄姑

雞鳴思賢妃也哀公荒淫怠慢故陳賢妃貞女夙夜警
戒相成之道焉

孔曰哀公不辰癸公子當懿王時 陳曰哀公荒淫

留色詩人本其事出於衽席之失助故作詩以思古

賢妃黃曰周宣王晏起姜后乃脫簪珥待罪於永巷
曰妾不才致使君王失禮而晏起宣王曰寡人

之罪夫人何辜遂勤于政事以成中興之
功觀此則夙夜警戒賢妃貞女所當然也

雞既鳴矣朝直遂既盈矣匪雞則鳴蒼蠅之聲

朱曰言古之賢妃御於君所至於將旦之時必告君

曰雞既鳴矣會朝之臣既已盈矣

孔曰朝上既已盈滿矣

欲令

君早起而視朝也

毛曰雞鳴而夫人作朝盈而君作孔曰書傳說夫人御于君所之

禮云太師奏雞鳴於階下夫人鳴玉佩於房中然後遂告去

然其實非雞之鳴也

乃蒼蠅之聲也蓋賢妃當夙興之時心常恐晚故聞

其似者而以為真

李曰心苟存焉則聞蠅聲以為雞聲不在焉則雖雷鼓在側而不聞

非其心存警畏而不留於逸欲何以能此故詩人叙

其事而美之

東方明矣朝既昌矣匪東方則明月出之光

朱曰東方明則日將出矣

毛曰東方明則夫人纚笄而朝朝已昌盛則君聽朝

孔曰按列女傳稱纚笄而朝則有君臣之嚴謂朝於夫也士昏禮注云纚緇髮廣充幅長七尺笄今時

簪

毛曰見月出之光以為東方明 朱曰此再告

也

蟲飛薨薨甘與子同夢會且歸矣無庶予子憎

朱曰蟲飛夜將旦而百蟲作也 爾雅曰薨薨衆也

朱曰甘樂也會大夫朝也此三告也言當此時我

豈不樂與子同寢而夢哉然羣臣之會於朝者俟君

不出將散而歸矣

蘇曰羣臣之會于朝者亦欲退朝而歸治其家事是以為之蚤作

無乃以我之故而并以子為憎乎

曾曰無庶子子憎庶無憎子與子也

王曰蟲飛薨薨甘與子同夢情也會且歸矣無庶

子子憎義也

范曰聖人順天地陰陽之理觀萬物之情明而動晦而休故以雞鳴為夙興之

節至于蟲飛薨薨則不獨以怠于政事亦非尚寐之時也君子之修身不以有事而蚤無事則晏其興居

皆順天地之理所以為常也

雞鳴三章章四句

還音旋刺荒也哀公好田獵從禽獸而無厭國人化之遂

成風俗習於田獵謂之賢閑於馳逐謂之好焉

范曰表記曰上之所好惡不可不慎也是民之表也
哀公禽荒而國人以習於田獵為賢閑於馳逐為好
安於所習而不自知其非道民之道可不慎哉

子之還兮遭我乎狃乃刀反之間兮並驅從兩肩兮揖我

謂我儼許全反兮

毛曰還便捷之貌狃山名從逐也獸三歲曰肩儼利

也 鄭曰俱出田獵而相遭也謂我僂譽之也譽之者以報前言還也 王曰並驅則遭我又非一人而

已前漢地理志引詩云子之營兮遭我乎囿之間兮

顏師古注云毛詩作還齊詩作營囿山名也字或作

狃亦作囿音皆乃高反

釋文曰狃崔靈恩集注本作囿董曰考輿地記囿狃囿

皆山名在齊之郊故諸書或異

子之茂兮遭我乎狃之道兮並驅從兩牡兮揖我謂我

好兮

毛曰茂美也

子之昌兮遭我乎狃之陽兮並驅從兩狼兮揖我謂我

臧兮

毛曰昌盛也臧善也 朱曰山南曰陽 爾雅曰狼

牡獠

乎九反

牝狼

舍人曰狼牡名獠牝名狼云其鳴能小能大善為小兒啼聲以

陸璣疏

誘人其猛健者去數十步雖善用兵者不能免也

東萊曰當是時齊以游

畋成俗詩人載其馳驅而相遇也意氣飛動鬱鬱見於眉睫之間染其神者深矣夫豈一朝一夕所能反

哉周遷商民既歷三紀之後畢命猶不敢忘其憂良有以也

還三章章四句

著

直據反

刺時也時不親迎

魚敬反

也

俟我於著乎而充耳以素乎而尚之以瓊華乎而

毛曰俟待也

鄭曰我嫁者自謂也

毛曰門屏之

間曰著

孔曰爾雅云門屏之間謂之宁著與宁音義同

鄭曰素為充耳所

以縣

音填吐遍反

者或名為紃

孔曰紃即今之條繩用雜采線織之素色分明

目所先見
故先言之

毛曰瓊華美石

鄭曰尚猶飾也飾之

以瓊華者謂縣統之末所謂瑱也

孔曰尚謂尊尚此
物而加飾也張

曰充耳非一物先以
纁塞後以玉加之

張曰俟我言夫之俟我也著

夫家之著也如是則不親迎也於著於庭於堂者必
不是親迎只俟於著於庭於堂而已 孔曰於著於
庭於堂止是有先後不宜分為異人 東萊曰前漢

地理志載齊之風俗曰俟我於著乎而此亦其舒緩
之體也雖非此篇意之所主然廣谷大川異制民生

其間異俗剛柔輕重遲速異齊五味異和器械異制衣服異宜皆學者所當觀也詩可以觀其此類歟

俟我於庭乎而充耳以青乎而尚之以瓊瑩音榮乎而

鄭曰青統之青 毛曰瓊瑩石似玉

俟我於堂乎而充耳以黃乎而尚之以瓊英乎而

鄭曰黃統之黃瓊英猶瓊華也 東萊曰昏禮壻往

婦家親迎既奠鴈御輪壻乃先往俟于門外婦至壻

揖婦以入及寢門揖入升自西階齊人既不親迎故

但行婦至壻家之禮俟我於著乎而此昏禮所謂壻
俟于門外婦至壻揖婦以入之時也俟我於庭乎而
庭在大門之內寢門之外此昏禮所謂及寢門揖入
之時也俟我於堂乎而升階而後至堂此昏禮所謂
升自西階之時也壻道婦入故於著於庭於堂每節
皆俟之也

著三章章三句

東方之日刺衰也君臣失道男女淫奔不能以禮化也

釋文曰或作刺襄公非也南山已下始是刺襄公詩

東方之日兮彼姝

赤朱反

者子在我室兮在我室兮履我

即兮

毛曰興也日出東方人君明盛無不照察也 朱曰

履躡也

鄭曰即就也

朱曰言躡我而相就也

程曰日月明照則物無隱蔽姦匿莫容如朝廷明於

上也今君不明故有淫奔之行詩人以東方之日刺

其當明而昏也

歐陽曰在我室兮履我即兮相邀

以奔之辭也

東方之月兮彼姝者子在我闥

他達反

兮在我闥兮履我

發兮

毛曰月盛於東方君明於上若日也臣察於下若月

也闥門內也

釋文曰韓詩曰門屏之間曰闥

朱曰發行去也謂躡

我而行去也

東方之日二章章五句

東方未明刺無節也朝

直遙反

廷興居無節號令不時挈

苦結
反 壺氏不能掌其職焉

鄭曰挈壺氏掌漏刻者

孔曰夏官挈壺氏下士六人壺盛水器也挈者縣繫之名

置箭壺內以為節而浮之于水上令水漏而刻

李

程曰言其不能正時矣非特刺是官也

曰觀人之政者見其一失則逆料其餘也 東萊曰

號令不時此一語贅蓋見詩中有自公令之之文而

妄附益之爾

東方未明顛倒

都老反

衣裳顛之倒之自公召之

毛曰上曰衣下曰裳 鄭曰自從也挈壺氏失漏刻

之節東方未明而以為明故羣臣促遽顛倒衣裳羣臣之朝別色始入羣臣顛倒衣裳而朝人又從君所來而召之漏刻失節君又早興

東方未晞

音希

顛倒裳衣倒之顛之自公令

力證反

之

毛曰晞明之始升 朱曰令號令也猶召之也

折柳樊圃狂夫瞿瞿

俱具反

不能辰夜不夙則莫

音暮

毛曰柳柔脆之木樊藩也圃菜園也折柳以為藩園

朱曰瞿瞿驚顧之貌 毛曰古者有挈壺氏以水

火分日夜以告時於朝 程曰柳柔脆易折之物折

之以為藩籬非堅固也狂夫亦知其有限見之則懼

然而驚晝夜之限非不明也乃不能知而不早則晏

言無節之甚

李曰言不能時節其夜之早晚不失之早則失之晚也

東方未明三章章四句

南山刺襄公也鳥獸之行淫乎其妹大夫遇是惡作詩而去之

鄭曰襄公妹魯桓公夫人文姜也

孔曰襄公諸兒釐公子桓十八年左

傳云公與夫人姜氏如齊齊侯通焉公謫之以告夏四月丙子享公使公子彭生乘公公薨于車

南山崔崔

子雖反

雄狐綏綏魯道有蕩齊子由歸既曰歸

止曷又懷止

毛曰南山齊南山也崔崔高大也國君尊嚴如南山

蕩

徒黨反

平易也齊子文姜也

王曰謂文姜曰齊子者以為此齊之子也而淫

於齊

鄭曰婦人謂嫁曰歸雄狐行求匹耦於南山之

上形貌綏綏然喻襄公居人君之尊而為淫泆之行

其威儀可恥惡如狐

孔曰文姜由此道而歸魯既

曰歸於魯矣襄公何為而復思之乎

呂曰上二章

罪襄公所謂曷又懷止曷又從止者言其理如是而襄公違之以淫佚何也下二章罪魯桓公所謂曷又鞠止曷又極止者言其理如是桓公縱之窮極其惡何也

葛屨五兩

音亮

冠綏

如誰反

雙止魯道有蕩齊子庸止既曰

庸止曷又從止

毛曰葛屨服之賤者冠綏服之尊者庸用也

朱曰用此道而

嫁于魯也

朱曰從相從也

呂曰貴賤各有耦也屨與

屨為耦雖五兩之多各相耦冠屨之雙自為耦也褭
公文姜非其耦猶冠屨之不可雙也

蓺麻如之何衡

音從反足容

其畝取

七喻反

妻如之何必告

父母既曰告止曷又鞠

居六反

止

毛曰蓺樹也衡獵之從獵之種之然後得麻

孔曰獵是行步

踐履之名衡古橫字謂既耕而東西踐躡聚摩之也古者推耒耜而耕不宜縱橫耕田故知是摩獵之也

朱曰欲樹麻者必先縱橫耕治其田畝然後可以
得麻人之欲娶妻者必先告之於父母然後可以得

妻也今魯桓公之娶文姜也既告而成禮矣

鄭曰娶妻之禮

議於生者卜於死者

曷為不能禁制

東萊曰鞠養也納之不

正則容有不敢制者今魯侯既以正禮納文姜當蚤裁制之曷為又養其姦而至於極也故後章曰曷又極止

析薪如之何匪斧不克取妻如之何匪媒不得既曰得止曷又極止

毛曰克能也

朱曰極窮也

李曰析薪者必用斧

亦猶娶妻者必用媒既以媒而得之矣曷為使極其姦

南山四章章六句

甫田大夫刺襄公也無禮義而求大功不修德而求諸侯志大心勞所以求者非其道也

無田

音佃

甫田維莠

羊九反

驕驕無思遠人勞心忉忉

音刀

毛曰甫田也忉忉憂勞也揚子曰田甫田者莠驕

驕思遠人者心忉忉

蘇曰無田甫田田甫田而力不給則莠盛矣無思遠人思遠人

而德不及則心勞矣田甫田則必自其小者始小者
之有餘而甫田可啟矣思遠人則必自其近者始近
者之既服而
遠人自至矣

無田甫田維莠稂

居竭反

無思遠人勞心怛怛

旦未反

毛曰稂稂猶驕驕怛怛猶忉忉也

東萊曰驕驕稂

稂皆稂莠侵陵嘉穀之狀

婉於阮反

兮

力轉反

兮總角

古患反

兮未幾

居豈反

見兮突

土訥反

而弁兮

毛曰婉孌少好貌總角聚兩髦也

釋文

曰方言曰凡卒相見謂之突 毛曰弁冠也

孔曰周禮掌冠

冕者謂之弁師則弁者冠之大號

孔曰言有童子婉孌總聚其髮

以為兩角也然幼稚如此與別未經幾時而更見之突然已加冠弁為成人 蘇曰總角之童而至於突

然弁也豈其求之哉其道則有所必至也君子之得諸侯亦未嘗求之矣苟修其身而治其政令諸侯不來而將安往 東萊曰苟由其道而循其序則小者俄而大微者俄而著厥德修罔覺非計功求獲者所

能與也

甫田三章章四句

盧令

音零

刺荒也襄公好

呼報反

田獵畢弋而不修民事百

姓苦之故陳古以風

福鳳反

焉

孔曰網小而柄長謂之畢掩兔之網也

曹曰古者禽獸多或為人

害故包犧氏作結繩而為網罟以佃以漁本以為人除害而已後世雖廣為四時之田意不異此而因以

寄軍政焉皆所以修民事也

盧令令其人美且仁

毛曰盧田犬

孔曰犬有田犬守犬戰國策云韓國盧天下之駿犬東郭逡海內之狡兔是盧

為田犬也

朱曰令令犬領下之環聲

毛曰言人君能

有美德盡其仁愛百姓欣而奉之愛而樂之順時遊

田與百姓共其樂同其獲故百姓聞而說之其聲令

令然

陳曰此詩與孟子言今王田獵於此百姓聞王車馬之音見羽旄之美舉欣欣然有喜色同意

朱曰此詩大意與還畧同蘇曰時人以田獵相尚故聞其纓環之聲而美之曰此仁人也猶還曰揖

我謂我

儼兮

盧重

直龍反

環其人美且鬢

音權

毛曰重環子母環也

孔曰謂大環貫一小環也

朱曰鬢鬚好貌

盧重鋤

音梅

其人美且偲

七才反

毛曰鋤一環貫二也偲才也

朱曰偲多鬚之貌傳所謂于思即此字通用也

盧令三章章二句

敝笱

古口反

刺文姜也齊人惡

鳥路反

魯桓公微弱不能防

閑文姜使至淫亂為二國患焉

釋文曰桓公軌亦名允隱公弟

朱曰防所以止水閑所以扞物故防閑有禁

制之意孔曰閑榷極也

敝筍在梁其魚魴

音鰕反 頤

齊子歸止其從

才用反

如雲

毛曰興也筍所以捕魚也梁魚梁也

陸疏曰魴今

伊洛濟潁魴魚也廣而薄肥恬而少力細鱗魚之美者

胡曰毛云鰕大魚孔穎達引孔叢子鰕魚其大盈

車鄭云鰕魚子以魴鰕為比則鰕非大盈車者亦非

魚子蓋魴鰕鰕及唯唯者皆魚之可制者也為其筍

之敝敗而不能制之也文姜本可以防閑而制之由

魯桓微弱不能防閑文姜致文姜驕伉而難制也

張曰反歸於齊也 毛曰如雲言盛也 楊曰其從
如雲其從如雨言從之者衆也許穆夫人思歸唁其
兄許人尤之終以義不得而止若魯桓公剛而有制
使魯人無肯從者如許人焉則文姜雖欲適齊尚可
得乎

敝筍在梁其魚魴鱖

才呂反

齊子歸止其從如雨

陸疏曰鱖似魴厚而頭尤大魚之不美者故里語曰
網魚得鱖不如啗姑其頭尤大而肥者徐州人謂之

鯁或謂之鰭 毛曰如雨言多也

敝筓在梁其魚唯唯

惟癸反

齊子歸止其從如水

孔曰唯唯魚行相隨之貌

毛曰水喻衆也

朱曰言其從之

者多如水之流也

敝筓三章章四句

載驅齊人刺襄公也無禮義故盛其車服疾驅於通道大都與文姜淫播其惡於萬民焉

朱曰按春秋魯莊公之二年冬十有二月夫人姜氏

會齊侯于禚四年春享齊侯于祝丘五年如齊師七年會齊侯于防冬會齊侯于穀

載驅薄薄

普各反

簟茀

音弗

朱韉

苦郭反

魯道有蕩齊子發夕

毛曰薄薄疾驅聲也簟方文席也車之蔽曰茀諸侯

之路車有朱革之質而羽飾

孔曰謂以簟蔽車之後戶也韉革也獸皮治去

毛曰革謂路車以皮革為本質其上又以翟羽為之飾

朱曰夕猶宿也發夕

言離於所宿之舍蘇曰襄公疾驅其車以會文姜

文姜夕發於魯而往會之

四驪

力馳反

濟濟

子禮反

垂轡漚漚

乃禮反

魯道有蕩齊子豈

開改反
弟

毛曰四驪言物色盛也

孔曰襄公乘其一馬四馬皆是驥驪之色

濟濟美

貌垂轡轡之垂者漚漚衆也齊子豈弟言文姜於是

樂易然

東萊曰齊子豈弟盖于此而樂易也美惡不嫌同辭

歐陽曰文姜安

然樂易無慙恥之色也

汶

音問水湯湯

失章反

行人彭彭

必亡反

魯道有蕩齊子翱翔

董曰汶水有二出泰山萊蕪者西南入泲今須城之

汶是也其一出朱虛縣泰山北過濇于縣今濇之東
南有大汶小汶即此是也 毛曰湯湯大貌彭彭多

貌翱翔猶彷徨也 鄭曰汶水之上盖有都焉襄公

與文姜時所會

孔曰齊在魯北水北曰陽僖公賜季友汶陽之田汶水之北尚是魯地襄

公入魯境也

李曰言行人之以見其無恥也

汶水滔滔

吐刀反

行人儻儻

表驕反

魯道有蕩齊子遊教

毛曰滔滔流貌儻儻衆貌

朱曰遊教猶翱翔也

載驅四章章四句

猗

於宜反

嗟刺魯莊公也齊人傷魯莊公有威儀技藝然

而不能以禮防閑其母失子之道人以為齊侯之子焉

釋文曰莊公同桓公子 李曰大宰問於子貢曰夫

子聖者與何其多能也子聞之曰吾少也賤故多能

鄙事君子多乎哉不多也後世乃專心於此而忘其

本故莊公有威儀技藝而不免猗嗟之刺昭公習威

儀以亟而不能止乾侯之禍漢成帝善修容儀升車

正立不內顧不能制趙氏之橫雖多才多藝而不能

務本何所補哉

猗嗟昌兮

音祈

而長兮抑若揚兮美目揚兮巧趨蹌兮

射則臧兮

毛曰猗嗟歎辭昌盛也頎長貌朱曰抑而若揚美

之盛也揚目之動也王曰趨蹌之巧也鄭曰臧

善也朱曰極稱其威儀技藝之美所以刺其不能

以禮防其母也若曰惜乎其特少此耳

猗嗟名兮美目清兮儀既成兮終日射

食亦反

侯不出正

征音兮展我甥兮

朱曰名猶稱也言其威儀技藝之可名也清目清明

也

毛曰目上為
名目下為清

王曰儀既成兮言其威儀之備也

朱曰侯張布而射之也

毛曰二尺曰正

孔曰正
者侯中

所射之處周禮大射則張皮侯而設鵠賓射則張布
侯而畫正正以綵畫為之侯身長一丈八尺者正方
六尺侯身長一丈四尺者正方四尺六寸侯身長一
丈者正方三尺三寸其外之廣雖不同其內皆方二
尺王射五正畫中朱次白次蒼次黃玄居外諸侯射
三正損玄黃孤卿大夫士同射二正去白蒼而畫以
朱綠正之言正也射者內志正則能中亦鳥名魯之
間名題肩為正正鳥之捷點者射之難中以中為俊

鄭

曰展誠也姊妹之子曰甥 朱曰言稱其為齊之甥也而又以見其非齊侯之子此詩人之微辭也

猗嗟變兮清揚婉兮舞則選

雪戀反

兮射則貫兮四矢反

兮以禦亂兮

毛曰變壯好貌婉好眉目也

朱曰目清而眉揚故謂目為清眉為揚

選

齊

乳曰善舞齊於樂節也

貫中

王曰貫而中革

四矢乘矢

鄭曰反復

也禮射三而止每射四矢皆得其故處此之謂復

范曰射足以禦亂而禮不足以防淫故卒章深非之

東萊曰四矢反兮以禦亂兮蓋稱莊公弓矢之精
可以禦亂觀其以金僕姑射南宮長萬則可見矣說
者或謂詩人諷莊公當用以禦亂非也是詩譏刺之
意皆在言外一章歎其威儀技藝之美也二章復歎
其威儀技藝宜為我甥也三章復歎其威儀技藝可
以禦亂也嗟歎再三而莊公所大闕者不言可見矣
猗嗟三章章六句

齊國十一篇三十四章百四十三句

毛詩集解卷八